

AUG. 9245

9253



<sup>7mo</sup>  
R E G I A

Maieſtatis Geminae

*Sereniſſimi in Transfiguratione ſua*

REGIS REGVM Immortalis

I E S U C H R I S T I

& AVGVSTISSIMÆ PRINCIPIS

M A R I Æ

*Antiquitus Liberae Gentis clientelâ*

*Ac propriae vocis Oraculo*

ELECTÆ & CORONATÆ

R E G I N Æ P O L O N I A R V M

*In Vrbe Regni, Regum Inauguratricæ CRACOVIA*

C O L L O C A T A

P E R C E L S I S S I M V M P R I N C I P E M

*Illustriſſimum & Reverendiſſimum Dnum*

D. C O N S T A N T I N U M

F E L I C I A N U M

*In SZANIAWY*

S Z A N I A W S K I

EPISCOPVM CRACOVIENSEM DVCEM SEVERIÆ

*Sacraſſimæ Majeſtatis Vtriuſq; honori*

*Publicæ Statuum Regni Devotioni*

C O N S E C R A T A & A D A P E R T A .

*Perennem Pontificiæ Conſecrationis Memoriam,*

STYLO ÆTERNÆ GRATITVDINIS

*In cordibus & pagina adnotante*

Collegio Cracoviensi C. R. Scholarum Piarum

Anno, à quo venit in Templum Sanctum ſuum Dominator MDCCVIII.

CRACOVIAE Typis Iacobi Mátyszkievicz S. R. M. Typographi.



In Avitum AGNUM  
CELSISSIMI  
PRINCIPIS.



Victor ut indomitas ARIES sibi subdidit Vrbes,  
Toto inter palmas orbe potitus ovat.  
Iam nunc, dum sacram Pietatis movit in Arcem  
*Regia* Victori se dedit ultrò *Deum*  
Inde triumphales in plausus creditur AGNO  
Orbis, & attonitus contribuisset Polus.

Aug. 9246



# CELSISSIME PRINCEPS

PRÆSUL  
PROTECTOR MAXIME.



*Abis eam etiam calamo indulgentiam intra hodiernæ solennitatis Encæniæ; ut veniam mereatur & gratiam. Veniam: si minus congruè perindeq; non sine delicto, Tua in Superos celebrat merita; gratiam: ut deinceps justior sit, in exhibendis vicibus amplissimo Favori Tuo, ac de eodem intensius mereatur. Insignivit sacram hanc Ædem Consecratrix Pietas Tua, gemino titulo REGIS nempe SÆCVLORVM, & REGINÆ POLONIÆ; addit tertium ex devotissima Nomini Tuo gratitudine, religiositas Nostra, id est Tui in Nos Patrociniij*

A

elo-



elogium. Polono Erythro, Principi SRZENIAVÆ totam se debet hæc Immortalium PRINCIPVM REGIA. Vt enim intra Urbis Metropolitanæ mænia proflaret, ut vastatæ quondam per fatales flammæ Arcis Regiæ, vel è diametro suppleret interitum, vel restitutionem provocaret; Purpurata Liberalitas per laudatissima, in opus, fortunæ dispendia animosè institit: unde non deficientibus per sæcula Avite Domûs religionis monumentis dignoscitur & innovatur agnatus Generi, pro Numinis cultu, perpetim augendo, zelus. Sed latius suâ mole ex protensa liberalitate Palatium Regale, longè vastius reddit Pontificiæ Consecratio dexteræ; quæ postquam, maturandis mænijs, liberali subvenit gazâ, etiam de Cælestibus thesauris ubertim adjecit. Næ dignam REGÈ REGVM & REGINA POLONIÆ Regiam! in cujus stabilimentum Gemini Principes Senatûs Poloni, Cracoviensis Palatinatûs Prima Culmina, æmulâ contribuunt pietate. Sed illud animo vividius expendendum occurrit; quòd Tibi soli singularem felicitatis delectum reposituere Superi CELSISSIME PRIN-

CEPS



CEPS. Decima, aureo pacis torrente  
fluens etas, vix ad periodicum appulit pū-  
ctum, cum super Clarum Montem Często-  
choviensem, illud eminentissimum Pietatis  
Polonę Propugnaculum, tanquam super  
sui Arcem Imperij, à tot seculis expectato  
diademate circumdata est REGINA PO-  
LONIÆ MARIA, cui, ex voto Serenif-  
simi Regnatoris AVGVSTI Secundi, Tu i-  
pse CELSISSIME PRINCEPS, gemmam  
sidereoq; amulam sero reddidisti Coronam.  
Et habuit præstantissimum Capitis decus ex  
Te, Augustissima Porphyrogenita: Vt autē  
sua Majestati tuendę, non deesset Arx, ecce  
noviter instauratum, Honori MAGNÆ  
PRINCIPIS devotes Sanctuarium; nosq;  
Domūs Regalis minimos assignas Procu-  
ratores. Dabimus operam PRINCEPS  
CELSISSIME, ut sydereas Virtuti Tuae  
inclinemus Arces, quę meritissimo Capiti  
Tuo, pro Regum Maiestate affecuranda ope-  
roso, in Coronam perennitatis super Orbē,  
in beatitudinis adorem immortalem in Cę-  
lo volvantur & immineant. Sed jam præ-  
venisse vota nostra videtur, inita cum terris  
emulatione Cælum. Non enim casu puta-



*mus contigisse: Te* **CELISSIME PRIN-**  
**CEPS** Tribus Gentilitijs Præaugusti **CAPIT-**  
**TVLI** Cracoviensis Coronis redimitum Pō-  
tificem, in primo sanctificati aditu Templi ab  
ipsa incidente **DIVINÆ TRINITATIS** So-  
lennitate salutari. Vt enim, Cælo teste, mul-  
ticiplicis Coronæ meritissimum constaret ver-  
ticem; congruebat, Trinum Vaveli Stephe-  
noma, divinitus geminari. *Submitte ergo*  
*Cælis; submitte, ferendo par Orbi Caput*  
*Et non semel individua Regni Poloni suc-*  
*collatione exercitum. Imò temporibus Tuis,*  
*toto Orbe, toto Cælo coronandis integrâ de-*  
*beri assentire æternitatem. Nobis vero illi-*  
*us gloriæ culmine potiri permitte, ut ample-*  
*xu coronario Tuis insinuemur profundissi-*  
*mè vestigijs.*

**Celsitudini Vestræ**  
**PROTECTORI MAXIMO**


**Devotissimum**

**Collegium Cracov: Schol: Piar:**





# PANEGYRICUS.

 Ppone jam supremam Manum  
destinatis in Residentialem Nu-  
mini Regiam ædibus, & quas o-  
lim Põtificali benedictione ab An-  
gulari initiasti Lapide, easdem, in summo  
prouectionis suæ pinnaculo, mystica sanctifi-  
catione perface, ac redde Cælo pares, Cæli-  
tibus dignas & habitabiles. *PRÆSVL &  
PRINCEPS CELSISIME.* Certè  
novissima hæc religiosæ ædificationis Basilica,  
eam vel maximè in se admirabilem præferre  
videtur novitatem, quòd eidem Dexteræ Tuæ  
principium & consummationem debeat: eam  
verò felicitatis adeptionem semper desidera-

B

VIT,



vit, at sæpè sibi defuisse conquesta est Fundatrix Pietas. Plurimum ea fors est, ut fervida intentione conceptas Numini moles, lethale intercipiat frigus, & antequam consummatis Aris votivas accendant ceras, consumuntur & extingvuntur; ut deinde serò, nonnisi pro- vectis ad fastigium posthuma adstructione operibus, vel inter sepulchrales cineres, æterno spectandæ consummationis flammentur desiderio. Arcana est, non fortuita quædam observatio, primos Sacrarum structurarum Lapides altiùs tumulari, terrâ & faxis obrui, Solis ac hominum visui eripi: tacita hæc & planè parentalis prolusio est, quâ infossus Lapis suis præsepelitur Conditoribus, ipsoq; sui jactu, spem videndi in perfectione operis præcipitat, obruit, eripitq;. Nihil Tibi commune ad hanc prope communem omnibusq; infestam sortem **CELSISSIME PRINCEPS**, qui, cum sis Oecumenica temporum nostrorum Felicitas, ita admirandis operibus continuò divinitùs prosperaris, ac si Tibi uni contigisset esse felicem, ut facienda constanter intendas, fortiter inchoes, & ocyùs omnium expectatione perficias. Divinũ quid-  
dam



dam in Te veneramur, quasi Tibi Numen,  
aut magna pars Numinis in animam esset!  
Non Te in prodigiosis operibus moratur  
difficultas vel discrimen, non tempus coarctat;  
sæpius immensa exantlas intra tantillum spa-  
tium, quod alijs, ad primos etiam cogitatio-  
nis impetus, breve admodum & nimis injuri-  
osum videretur. Neq; hæc sunt, quæ dicimus  
blandientis ex consuetudine assentationis phā-  
tasmata & impressiones styli, non tam Nos  
hæc loqui audimur, quàm ipsa spectatissimo-  
rum operum Tuorum veritas, quæ famam  
excedit, & ipsi humanæ admirationi vim in-  
fert. Quodsi eorum, quæ ultra temporis ca-  
pacitatē jam egisti, seriam assumpserimus con-  
siderationem, ipsimet quodammodo oculis  
nostris falli putabimur; nisi Te temporis præ-  
dominium habere, omnino & conformiter præ-  
supponamus. Cujus enim hominum, & non  
potius Numinum ea est activitas, ita rebus sin-  
gulis principium dare, ut antequam inchoa-  
ri deprehendantur, iam in exitu, iam extra suas  
causas spectentur? Nihil proinde est *PRIN-  
CEPS CELSISIME* quòd videaris in-  
choare, sed singula, ipsa Tibi instantanea con-



stare perfectione credimus, ipsumque tempus  
ita tuis mancipari nutibus, ut quæ & quan-  
do velis consummari in se patiatur: quasi non  
tempus operum Tuorum, sed ipsa opera  
Tua essent mensura & regula temporis. Te  
uno metimur, quantum imbecillitas huma-  
na possit, si remota innata otiositatis formi-  
dine, tantum in laborando adniti audeat, quã-  
tum sese intrepidã prudenter voluntate resol-  
vit. Sed hæc est humanæ conditio mutabi-  
litas, sive ex gravedine citò fatiscentium vi-  
rium, sive ex permolesta laboris acrimonia,  
sive denique ex insita animò in segnitiam pro-  
pensione, ut operis inchoati progressus subita  
præscindat vel saltem protelet desperatione,  
aut molem negotij monstrosam verita, aut tẽ-  
poris non suffecturam parvitatem perperam  
causata; cogaturque infatuatis remissione mani-  
bus, ad contumeliam & convitia diuturnum  
suum videri & rideri Imperfectum.

Iam verò magnitudinis Tuæ **PRIN-**  
**CEPS** ea est singularis & prorsus nulli ho-  
minum communis proprietas, perindèque nun-  
quam satis admiranda, ut quidquid sapientif-  
simi consilio animi suscipis, admoto validius  
bra-



chio, ad optatum, sed vix tam citò speratum,  
promoves exitum, Ipsemet omnium, quorum  
ad Te pertinet origo, Author, Auspex, & Perfe-  
ctiò. Nondum integritatem unius lustri com-  
plevit inita annorum successio, cùm Sacrum  
erigendo huic Sanctuario præjecisti Saxum; &  
ecce palmarem undequaq; constat fuisse jactū,  
dum intra tanti compendium temporis, per  
subita incrementa Ecclesiastici surrexere pari-  
etes; non repere lento progressu, sed volare  
compertæ sunt Sacræ testudines, quibus aliàs  
major pars sæculi deberi videbatur provēhen-  
dis. Sed hæc est prodigiosa Manûs Tuæ Dex-  
teritas, ut quidquid potenti delibaverit attactu,  
continuò augeat, ipsis rerum successibus ad-  
nutus Tuos certatim festinantibus, imò quasi  
eisdem properata exactitudine anticipantibus.  
Deinceps Orpheus, qui hactenus tenue m ve-  
ritatis umbram à crassioribus traxit commen-  
tis, è memoria & imaginatione, per quam diu  
humanæ illusit opinioni, delebitur, suæq; se  
opprimet sonitu lyræ, quo Thebas excitasse  
motis ad tripudia saxi ferebatur: Tu verò  
**CELSISSIME PRINCEPS** harmoni-  
acum sæculi nostri adoraberis plenâ fide Pro-  
digi-



digium, cum Tibi tanta vel in uno temporis atq; manûs articulo vis, ut sanctiores pro Thebis Solymas extemplò erigas.

Circumspice Orbem profundo operum Tuorum altè suspensum intuitu. Quàm primùm enim Frontem Tuam ad Pontificiam exorari tandem indulxisti Infulam, altas animo, Cæloq; dignas & pares, intra Caput admixisti cogitationes. Nulla Tibi sit quæsitâ intra remotum mare super sacram Cydarim gemma, quæ dierum infultet splendori, soles extinguat; illi ipsi, quos Pastoralis eliquat sollicitudo sudores, luminosius promicant; ita, ut noctes etiam, quas insomni prævincis vigilantia, inexpertum sibi sentiant ex Te oriri meridiem. Ita Mens Tua in alto apricatur, ut solem etiam maturè præcurrat ad meridianum provectionis punctum. Sanè sublimia, augustaq; meditationis tuæ molimina, illis sacris metimur Pegmatis, quibus utriusq; Poloniæ Diæceses non pænitendo fastigiasti sumptu; prægestiens etiam Cælis inferre Patriam & Ecclesiam, aut utriq; inclinatissimum ac intimum reddere Cælum. Inde est, quòd tam excelso animi proposito effeceris, ut plu-  
res



res in erectis Seminarijs lecti ex hominibus in  
sortem spiritualis vitæ, Angelicas repererint Co-  
lonias, ubi aut se natos esse homines obli-  
scantur, aut Angelis convicturos meminerint.  
Quot jam ejusmodi spirituum species, quibus  
creatrix munificentia Tua dedit principium,  
recensent *Cujaviensis ad Vladislaviam, Po-  
merania ad Gedanum* Diæceses! ubi stabi-  
lita Seminaria, plantatæ scientiarum Palæstræ,  
in parabolam de Cælo, populariter abiere. V-  
num est duntaxat, unde humani quidpiam pa-  
ti comperiuntur Vladislavienses Angeli, nem-  
pè ingens Tui desiderium, illudq; æternum.  
Sed parce Nutrix quondam & Alumna Re-  
gum Cujavia. Non unum suspirijs lassavit  
sæculum Cracovia, ut digno Regibus à se co-  
ronatis AGNI vellere antiquius potiretur; sed  
tota felicitatis fruitio intra spem stetit. *Ste-  
phanus Bathoreus* oblatum à Throno Hispa-  
niæ, Majoribusq; suis adhibitum aureum Vellus,  
Regio pectore & animo non admisit: admi-  
serat *Junosam* Coronatoris sui *KARN-  
KO VII Episcopi tunc Vladislaviensis*. Et  
hic, dum fortè vacanti ab obitu Pastoris sui  
Cathedræ Cracoviësi omnium votis destinare-



tur, unus lapidem posuit in obicem *Stephanus*: *Malle se* (testatus) *videre brevi Karnkovium Primatem Regni*. Itaq; in *Karnkovio* nec *STANISLAVM* secundum, nec *Primum* de Stemmate *IVNOSZÆ* videre tunc potuit *Cracovia Præsulem*. In Te verò *CELSISSIME PRINCEPS* post exacta tot desideriorum sæcula lætatur jam se possedisse. Audemus proinde, etiam attento *AGNI* Tui Stemmate, Te *VIRVM DESIDERIORVM*, & *Desiderium sæculorum* nuncupare. Vtiq; conformi ad *Danielem* paralellâ *Vandalicis Leonibus* hiantia obturasti ora, ne *Tecum Poloniam* famelico rictu devorassent. Quid publicam memoriam expectationem? sed desiderari debueras totâ æternitate, quò ad *Tuæ mensuram Magnitudinis*, nostræ præstolationis cresceret prolixitas. Cæterum aliquot sæculis constans expectatio, propè abfuit, quin opinione contri- bulatæ per tædiâ spei, superatura perennitatem videretur. Præcipitabant se longa muneris tanti à *Cælo* quæsi dilatione desideria, ipsaq; exhibentium *Numinum* cunctatio, ingens erat opperientibus violentia. O! quoties,  
ani.



animam propè agentibus votis, auditum est,  
gemitu perrumpente, concuti Cælum!  
promiscuæ ad aures Divorum certatim allabi  
voces: *Emitte Domine Agnum!* Interim sæ-  
cula inter lacrymas effluebant, & precibus a-  
pud superos nullum in instanti momentum.  
Hinc est, quòd calamitosæ admodùm con-  
ditioni suæ insepultus *Vavelus*, nomen sub-  
titulo, aut potius tumulo, Caucasi sepelive-  
rat, cui tot affixa, distentaq; cum Prometheo  
torquebantur, desideria. Credebantur lon-  
gè à superùm benevolentia & favoribus pu-  
blica distare vota, dum uno lápide *Vaveli* à  
Tui fruitione distarent. Itaq; plusquàm mil-  
le periculis cõtèdentibus pro inæstimabili pre-  
tio Argonautis, plusquàm mille labentium in  
mare æternitatis ætatum naufragijs constitit  
*Velleris Szaniaviani* adeptio. Illius desi-  
derio extinctos non ambigimus, quotquot pa-  
rentalibus Cracoviensis Sanctuarij umbris il-  
latos recensemus *Serenissimos*. Nimirum de  
Cælo duntaxat *Horoscopus Cracoviæ* suum  
horizontem respiciebat *ARIES*; ut verò  
etiam intra mænia Urbis, Arasq; splendoribus  
Præsularis gloriæ apricaretur, sperare & suspi-

D

rare



rare debuimus, assequi hactenus non potui-  
mus. Tanta autem erat singulorum per sæ-  
cula ardor, ut Cælos propè absorptura vide-  
retur aviditas: quasi ille internecinus olim Cra-  
coviæ Draco, hausto inter fibrarum incendia  
Vandalo, sitim suam natali reliquisset Craco-  
viæ; aut hanc salis vicinia acueret, ut fervidi-  
ùs Civilia in exoptatum solatium flammaren-  
tur præcordia. Primus Tu *CELSISSIME*  
*PRINCEPS* eam collidentium sese voto-  
rum dispunxisti nubem, illato sedibus Regio-  
Pontificijs Avito Decore. Primus post *STA-*  
*NISLAVM*, Aras Cracovienses innocen-  
tissima in *AGNO* Tuo dedicasti Victima.  
Non semel proinde Te *PRINCIPEM*  
recognoscimus; ut pote cui, præter *DVCA-*  
*LEM SEVERIÆ MITRAM*, & nulli  
secundum inter Poloniae Antistites Majoratū,  
etiam Ordinis, in serie Episcoporum, propri-  
us est Principatus. Regum Mater, Ducum  
Sponsa *Cracoviensis Cathedra* nonnisi Re-  
ges parit, Ducibus juncta paret. Pro Fun-  
damentis habuit Celsitudinem, & per altissi-  
ma sese ætatibus promovet fastigia. Májora  
dicam! Non simplici lapidum compage, sed  
gem.



gemmis, diadematis, Sceptris, Mytrisvè la-  
queatam intuemur, quoties Regni Thesau-  
rum, Serenissima expendimus Mausolea. Non  
tam ergo Cathedram, quam Regale Solium  
& Imperiū à Te **CELSISSIME PRIN-**  
**CEPS** occupari existimamus, illam nem-  
pe Cathedram, quam innumeri Præsules di-  
gni Triregno, plurimi Principes etiam Sere-  
nissimi, Regibus aut nati, aut Eminentissimo  
titulo comparati, illustrârunt. Debuit hæc  
Pontificia sedes Principatum Vocationis In-  
fulatæ **PROCHORO**, Sanctitatis Laurea-  
tæ **STANISLAO**, Mytræ Severiensis **O-**  
**LESNICCIO**, Tibi Magne **CONSTAN-**  
**TINE** Nominis & splendoris, de **AGNI**  
Stemmate primam debet gloriam. Quod si  
tam pretiosus **AGNI** Sanguis Postes Sacros  
Cathedralis Basilicæ signat! quas lues à publi-  
ca non eliminabit incolumitate? quas non pro-  
scribet pestes? quibus interitum non incutiet  
plagis? sed jam visibilis eventus nostram præ-  
venit expectationem & vota. Futurum de-  
inceps est **CELSISSIME PRINCEPS**,  
quod sub Tui signo **ARIETIS** reflorescet  
amplius integritas Patriæ & Ecclesiæ, succū-



bet & ad deditiōem inclinabit fastum & pertinaciam minans cædes fatum, ipsa deniq; Cracovia, pristinae suæ superstes & læta perennabit incolumitati.

Subarrhat certò successuros conceptæ spei eventus, indefessa ac sibi, opibusq; non parcens Tua ad decorem & incrementa Urbis contribuens liberalitas *CELSISSIME PRINCEPS*, per quam fortunæ pariter ac animi indulgentissimos aperis thesauros. Biennium est, cum Romanus Tiberis in Poloniã, & præprimis in Metropolim hanc beato Gratiarum Magni Iubilei diluvio tantùm exundavit, ut Vistulæ alveũ excedens ubertas, montes involverit. Correpti felicitacataclysmo undiq; populi (aquæ multæ) undatim confluebant. Nulla ætas, quæ hâc rigari illuvie certatim non festinaret; ut prope abfuerit, quin Cracoviæ vetus Nomen, recenti Confluentiæ vocabulo absorberetur. Nihil autem aspectu limpidiùs erat, Tuã ò *PRINCEPS* inexhaustà Pietate, quæ ita in omnes ac singulos domi repertos, aut peregrè elicitos humanissimæ beneficentiæ exemplis promanabat, ut nullus sistendo illi incom-

para-



parabilis profusionis Hellesponto par inveniri posse videretur Xerxes. Certabat cum Apostolicæ largitate gazæ religiosa Tua munificentia, verè Principe & Præsule digna, Cælo & Orbi spectatissima, per quam effecisti; ut Cracoviam transmigrâsse, & ad statas Indulgentiarum Solennitates venisse Romana diceretur magnificentia. Ibant expeditis per exhomoleges conscientijs vacui culparum, sed pleni Iustitiæ, Tuis erogationibus refertissimi Viatores votivi, læti, se, non tantum admissis reatibus absolutos, verum etiam abolitæ egestate liberos: ubiq; calamitatum suarum obliti, nullibi, ex Te adeptæ felicitatis, non memores. Proinde quotquot sacrâ defuncti peregrinatione ad lares redire spectabantur, singulos, legatione pro Te fungi experti sumus. Vndiq; Nomen Tuum, Munificentiam Tuam, visæ devotionis exempla personabant, & post recitatas, ad suggestus Pænitiæ, proprias improbitates, quisq; urgeri se ex intimo sentiebat ad continuandam generalem comper-tæ Probitatis Tuæ confessionem. Quæ Tibi subeundæ gratitudinis vincula non debent ferro & discrimini caput exempti ære Tuo

E

fla-



flagitiosi? Institeras, memorando sæculis zelo, ut Annus Sanctus, non Tempia tantum, sed & facinorosorum ergastula consecrasset; ut sequestri seditiosorum carceres, celebratae Indulgentiæ, & renascentis ad innocentiam improbitatis essent sacraria. Vidimus ergo, & videre erat horror, sed amænissimus; vidimus, sæviùs in se animadvertentes nefarias manus; ultionem, quam effugerant, acerbiùs sponte à se exegisse, quàm si rigor inexoratae legis, mediatum in coactas cervices impigisset supplicium. Profligabat profligatissimos, suscepta ultrò pænitentia; sed ita benè peccasse in se, ex Tua o! *PRINCEPS* visi sunt benevolentia, quotquot piaculari crudelitate, eam in demerita corpora exercuere iustitiam.

Ita ergo cæpit restaurari Cracovia, cum Pietatis Tuæ exemplis ædificaretur *CELISSIME PRINCEPS*. Lapsos inopiã, Capite & vitâ, etiam æternâ, minores, (dicam potiùs,) utroq; abjectissimos, manu Successore *STANISLAI* dignâ erexisti? Hoc planè est, per quod primò Caput Regni, & Regnum in suo assurgat Capite. Hanc por-



ro diu optatam Capitis Regni longiùs trien-  
niò humati anastafim, quàm maturè & con-  
stanter promoveat Celsissima indoles Tua,  
omnis per Te causatæ provectionis apex te-  
stis esto. Ascendit propè in globum sphæ-  
ris sydereis conterminum, consiliò tuò susce-  
pta & inita Arcis Regiæ Cracoviensis Resti-  
tutio, cujus olim spectatam pulchritudinem  
& Majestatem, sibi non à longè affinem, vi-  
derat intimiùs Cælum, & semper etiam Nu-  
minum incolatu dignam judicavit. Visi sunt  
non semel lustrasse Augustale hoc, sæculis ad-  
miratum, in Imperatoribus & Regibus Eu-  
ropæis præsentibus Hospites, quasi Dij. Ut au-  
tem iterum ex cineribus Phænix hæc Arcium  
adprimævum decus & honorè renascatur, pre-  
tioso labore contendis, daturus specimen pro-  
digij Magno *STANISLAO* patrati, cum  
hoc, aliquot iam lustris ex dissipatione corru-  
ptum suscitaveris Cadaver, ut aliquando vi-  
vam ac veridicam loqui audiatur libertatem.

Hæc ad decus Imperij agis *CELSIS-  
SIME PRINCEPS*; quæ verò ad splen-  
dorem Ecclesiæ & Diæcesis non agis? Iam  
*Cujaviam & Pomeraniam* altum promi-



mentibus structuris augustiorem reddidisti, sed hæc diu admiratis, prima nunc videntur Liberalitatis Tuæ præmia, ac majoris magnificentiæ progymnasmata. Constantini Imperatoris magnitudinem exhibent in se ingentia Divis erecta Sanctuaria. Vastius ac evidentiùs patet ( nequicquam obstante Nominis mysterio ) in Laterana Romæ Basilica Cæsaris immensitas. Latèpatens, quoddam Religionis Imperium non Ecclesiam condidisse Cæsar suspicitur. Sed remittit hic aliquantùm publica admiratio, quoties ad Opera Tua *CELSISSIME PRINCEPS* respicit, è quibus Tuam, ipso duntaxat tempore inferiorem, cæterùm ex nominatissima ad Imperatoris Majestatem conformitate, captu majorem, metitur magnitudinem. Quid enim est illud *Geminum* jam *Supra Vavelum*, iam *Kielcijs*, incomputabili, perindeq; inimitabili Gazæ tuæ prodigalitate erectum *COLLEGIVM*, aut verius, munitissima Sacræ Militiæ Castra? nisi immortalia Magnitudinis Tuæ monumenta, continua publicæ admirationis spectacula, unde omnium ætatum populis; donec Mundus superstes, Ingens ultra  
omnem



omnem comparationem *PRINCEPS* &  
*PRÆSVL* videberis, & quoddam hyperbo-  
licum rerum gestarum Paradoxum, nec non  
altè defixum collimantis gloriæ centrum. Pro-  
stabit in tui Honoris memorabile fastigium  
etiam minor hæc, quam & attributis largi-  
tionibus, & Pastoralis benedictione consecras,  
ac Cælo attollis Basilica. Singuli de parietibus  
clamabunt perpetim lapides, illam ma-  
gnitudinem tuam, cujus auspicio in aspecta-  
bilem Orbi creverunt molem. Proinde  
cum universos prosperatæ ac properatæ ædi-  
ficationis successus Tibi *CELSISSIME*  
*PRINCEPS* debeamus; inter alios quæ-  
sitos à Divis titulos, etiam Magnum tuum in  
ædem hanc invocamus Nomen, ut citra omne  
Romani Sanctuarij præjudicium, nuncupetur  
*Basilica Constantiniana.*

Propæ injurij Tibi sumus ô *PRINCEPS*,  
si intra aliquot duntaxat operum Tuorum Au-  
gustalia, longè latius prostantem coangusta-  
mus gloriam. Tota, quæ patet Polonia, po-  
tentissimæ Dexteritatis Tuæ trophæum est im-  
mortale. Quid enim in ea non solo æqua-  
tum! quid non cum ipsis etiam cladium ve-

F

stigi-



stigijs funditus abolitum? sæculum hoc, quò  
vivimus in occasum Patriæ perniciosum ma-  
le oriri cæperat; quasi ætas post millesimam  
septingentesimam, ipsâ suâ falcatum Saturnum  
minante heptemimeri, novissimum concla-  
mato Septemtrioni invehere debuisset clima-  
cterem. Creditus est Mars, initis noviter  
cum sæculo annis, Solis imperium usurpasse,  
& ingressus Aquilonaris signum Leonis, dies  
jugi calentes Sirio, ad communem gentium  
insaniam accendisse. Quis tunc hominibus  
passim in bella commotis furor? Orbis totus  
in vertiginem, capitum humanorum delirio  
actus, suum illud originale chaos repetijisse  
creditus: & prope per successivas clades, ac  
repentinas direptiones populi decorumq;, in-  
primitivum relapsus nihilum evanuisse; sed  
maximè Polonia, cujus etiam Nomen, nedū  
veterrimâ gloriâ, videbatur extremè & stirpi-  
tus antiquari, ita; ut interim hæc nobilissima  
pars mundi, populari antonomasia, profligatis-  
simū ruinarum Regnum, appellari debuerit, aut  
nova deleti umbra & parasceniū Ilij. Non am-  
plius quærēda erat in tabulis Cosmicis deserta  
Arabia; cū tanta, bellis obtritæ vastitas Sar-  
matia,



matiaë, formidabilem ac portentosam præferret speciem excidij: quasi una omnibus foret devota Diris. Illatus templis horror, Curijs solitudo, ædibus exterminium. Porretæ superbissimis tholis prominentesq; nuper ad sydera arces & Palatia, supinis jacebant per areas patefcentes ruderibus, inhiante jugiter reliquijs populationum baratrho. In ipsam hanc Regni Urbem, an Regnum Urbium Cracoviam? priscus ille, quasi ex nece publica, visus est renasci Draco, ut alias per partes voratam, simul tunc uno totam abligurisset traiectu. Hæc rerum facies, aut potius spectrū, ubi erat Polonia! Iam vero hominum vix umbra. Defecerat qui spectatas ploraret clades, eum eas confertissimè fieri intererat. Dissipabantur ædium nexus, sed magis cordium rumpebatur compages, & quisq; in pariete lapis, petra scandali (morem suo inhabitatori gerens) sensit se provocari, ut propinquo dissideret lateri, indecorum ratus, cohærere, & non dirimi vicino, dum fraterni invicem desciscerent animi.

Sed quid memori calamo sopitam fodimus calamitatem, quæ etiam levi recorda-



tione acrius sævit incitata? æquius est, ore & stylo amæniori, redintegratum Patriæ contemplari statum, quàm ad retroactas reporrigi & iterum quasi sponte reciprocari clades. Atq; hoc est extemporaneum Excelsæ Manûs Tuæ prodigium *CELSISSIME PRINCEPS* restituta sibi Polonia. Magno Constantino profuit ad perennitatem gloriæ novam, veteri Byzantio, superstruxisse Romã: Tibi autem Major supra Maximos *CONSTANTINE*, amplioris est arrhabo & pignus immortalitatis, veterum barathro eripuisse Poloniam, & ita antiquis legibus, avitæ libertati, pristino ordinis, morum ac concordie decori restituisse; ut prorsus novam feceris, suæq; vastitatis, ad venustatem, reformatione, non minus amabilem, quàm formidandam Gentibus reddideris Pulcheriam.

Incessit hinc animum admiratione anxium, justa explorandi curiositas, quæ sæcula recomponendæ insumpseris Patriæ? Ut enim Troja ruat, decennio laboratur, ut verò è tumulto suo optata reviviscat anastasi, revolutæ per tot millia ætates frustra laborant. Albam & Carthaginem brevis absumpsit hora;  
mul-



multum & longè extensum non reficit ævum.  
Repentè concidunt, quæ nunquam redinte-  
grantur. Profectò *CELSISSIME*  
*PRINCEPS*, si illud tam immensum  
restitutæ Patriæ, ex æquo pensemus Opus,  
cogimur vastissimum quoddam continuato la-  
bori assignare sæculum, tota temporis com-  
prehensione amplius. Itaq; non uno Te su-  
dasse imaginamur sæculo; concessas cælitus  
annorum extensiones, ætatum Embolismos &  
Intercalares, quibus, non suffectura magno-  
labori prorogarentur consveti temporis com-  
pendia. Et ita quidem nos, vel juxta con-  
gruentiam, vel secundum nostram sentiendi  
imbecillitatem opinamur. Sed nimias men-  
suræ opiniones nostras redigit & confūdit pro-  
perata, citra hominum & temporum captum,  
tanti operis consummatio. Integris Septem-  
decem annis, à capite currentis sæculi, per-  
niciem Poloniæ aggressa confertim Fata, vi-  
res jam & ferociam exhausserant, imò & ob-  
jectum furori suo ita decerpserant Regnum;  
ut quò ampliùs se rabies aleret, non superfu-  
erit, nisi in se ipsam versa, parem quæreret  
crudeli ingluviei offam. Tibi verò Admiran-



de *STATOR* Patriæ, aliquot præsuccedere dies, ut illud incomparabile publicæ integritatis sistema componeres, nutantem firmares libertatem, Regni tam vasti dispersionem reunires, solutos per diffidentiam Status & Cives adunares, denique Vnus omnia & simul ageres! Cum itaque unus pro omnibus indefessè ac planè divinitus collatis viribus laborares, ea laboris non dispersi concentratio publicam animorum inauguravit unitatem, quam persæpè divisa plurium studia, dum putantur colligere, incurabilius dissipant. Tuus ille die noctuque decumanus, vix cedere speratam emolliens calamitatis duritiem; Tuus ille, aureo Iovis imbre gemmeaque Plejade multò pretiosior sudor, diuturnas populi deterisit lacrymas, cruentas serenavit tempestates, ac extremum fatigati Regni dispunxit agonem, ut quantumcunque nunc relevati spirent vividius populi, in Tuam nonnisi contribuere ac conspirare, ex debito æternæ gratitudinis, censeantur immortalitatem.

Hac Tuæ Imortalitate Gloriæ, vivet *Illustriissima VNOSSIANA* Domus, consueto sibi & continuo perennitatis usu, ab ipsis  
foci-



socialibus Poloniae cunabulis attributae. Nam ad ortum Patriae respicimus, quoties Historiam Domus Szaniavianae redordiri connumeramus. Illa simul cum Lecho Regni Conditor, auspex fuit Poloniae, in Campestribus Veteris Sarmatiae, Castra & aciem victoriarum, sub pellibus Iunossianis metata: permanentiae suae non interruptam ephemeridem, ipsis recensuit triumphis. Equidem de comperita Avitae Domus minimè disputamus gloria; illud nihilominus in conflictu quaestionum collocandum, Plus nè Domus haec de Polo? an de Polonia meruerit? Sed adeò difficili ad concludendum Problemati, ambidextro annuendum omnino stylo, nempe utriusque pari merito militasse. Certè ille Magnus *JUNOSSA SZANIAVIVS*, dexterrima Lesconis Nigri manus, qui Iazyges, intimè perniciosos Septentrionali Latio (Poloniam dico) Vejosi, decretorio ad Lublinum stirpitis obtulit praelio. Hic ita praecleara fortitudine, animum Poloni praecipue Principis Lesconis, ut favor humanissimo conceptus corde, caelestem etiam corripuerit Ducem *MICHAELEM*, quò sub signis *SZANIA-*



*VII* invictas cælitus auctoraret suppetias.  
Trophæum memorabilis victoriæ extat Lu-  
blinense Principis Angelorum Nomine & Tu-  
tela insigne Delubrum, & quodammodo *Sza-*  
*niaviane* Fortitudinis sanctius Capitolium.  
Tanta fundatæ sanctitatis Decora Nomini  
*Szaniaviano* debet antiquitùs Lublinū! Quæ  
demùm prolixius non debeat tota Polonia?  
cum ingenerata sanguini Pietas, maioribus  
propagandæ religionis non desinit inardescere  
studijs.

Pronum id est colligere ex Tua **CEL-**  
**SISSIME PRINCEPS** ad incrementa Pie-  
tatis elevatissima propensione, quam præter  
alias præstantissimas ad publicam ædificatio-  
nem collocatas moles, luculentius ad præ-  
sens hæc, fundo Urbis Regni, superimposita,  
tuisq; sanctificata Manibus perhibet Basilica.  
Gloriæ quidem Numinis assignatum Augu-  
stale, sed & Famæ Nominis Tui perenne Do-  
micilium. Ut autem sit etiam Domus Tuæ  
Inclytissimæ, ad normam Angelici Lublinsen-  
sis Sanctuarij, permanens & memoriale Peri-  
stylium, nullo adhuc decoras paratu incrusta-  
tiones, exornent appensa inter aras *Szania-*  
*viani*



*viani* Nominis & Sangvinis Simulacra, ad quorum spectatos vultus, in superos & Patriam Pietatem spirantes, nostra devotissima tantis Nominibus, animetur gratitudo.

Proximum Augustæ Imagini Tuæ *CELSISSIME PRINCEPS* collocamus *Illustrissimum FELICEM IOANNEM SZANIAWSKI* Episcopum *Chetmensem*, cui hinc per Pontificalē Mytram serpunt Lauri Theologicæ, quibus à primo ætatis vere, ad novissimam usq; senij hyemem, amænissimè vernat; Inde succisæ, in Iustitiæ Palmeto adoreæ, quas meritissimo *Commissionis Radomiensis PRÆSIDATV* usq; dum colligit, inclinante se ultrò in spolia tantæ Fronti, altiorum Dodona Honorum. *Illustrissimi MARCIANI Secretarij Regni, Abbatiss Wąchocensis* Ideam, non Apelles, sed pingit Apollo, idemq; Phæbus, qui ipse non nisi radioso penicillo, se pingere conformiter potest per parelia. Quid enim in hac facie non simile Soli? Animum autem nemo exprimere potest, cuius lucidissimas dotes, densior modestiæ obnubit umbra. Vnum palàm est: publicæ utilitati esse præsentissimum. Vni-



ca tabella repræsentat, quos Fraternalis non  
distinguit Sanguis *Illustrissimos* **CAPITA-  
NEOS CHENCINENSEM ac SO-  
CHACZOVIENSEM.** Sic etiam Cæ-  
lum in assymbolis syderibus effigiat Castorem  
cum Polluce. Par utriq; animus ad maxima  
exactus, æqualis in Superos Pietas, identica  
in obsequium Patriæ æmulatio, omnia deniq;  
ad Tuæ **CELSISSIME PRINCEPS**  
Magnitudinis mensuram adæquata.

Permitte **CELSISSIME PRIN-  
CEPS** vivis coloribus etiam *Illustres* **SZA-  
NIAVIORVM** Umbras, gloriose vitâ  
functorum, præsentari. Iustenè umbras di-  
xero, quorum memorabiles actus diem per-  
petuant Patriæ & Domui? Ipso vitæ occasu  
meliores auspiciati luces. Illos hîc exhibeo  
**SZANIAVIOS**, quorum Triariam a-  
ciem novissimis bellis, pro Patria, vitam con-  
stat posuisse. Annotavit numerum, Dome-  
sticæ Conditor, & ipse grandis materia Hi-  
storix *Illustrissimus* **ADAMVS SZA-  
NIAWSKI** Castellanus Lublinensis. Tri-  
ginta, bellis occubere **SZANIAVII**,  
quod præsentis sæculo majus est, quàm tre-

cen-



centos aliàs una die cecidisse Fabios. Au-  
sculta Patria! Sangvis *Szaniavianus* uberri-  
mè fusus clamat in Campo Martis: nusquam  
se ignavum undasse ad salutem publicam af-  
ferendam. Meruerunt heroicarum Exuviæ  
animarum magnificentissimos Tumulos; sed  
nemo augustiùs conditur, quàm sub cespite  
triumphali. Nos itaq;, quos Nomini *Sza-  
niaviano* arctior adstringit obligatio, novo  
Mausolæisq; vacuo, ac perinde facili Templo,  
dum triumphales Exuvias haud iam inferre  
licet, saltem per tuam *PRINCEPS CEL-  
SIS SIM E* indulgentiam, simultaneum  
perpetuæ recordationis erigimus Epitaphiũ,  
ipso Heroum Sangvine inscriptum:

Hoc lapide leguntur  
qui toto conduntur Orbe, teguntur Cælo

**SZANIAVIJ,**

Sepulchro, gloria & mortis causà

Magno Pompeio singuli non minores.

Non falci mortis, quod etiam ignavorum est,  
sed Martis gladio, quod propriè Fortiũ,

H2

casum



casum debent triumphalem.

Sub avito AGNI Stemmate nati  
vitam Saluti Patriæ in victimam immolarunt.

Quæris, quo anno contigit occubuisse?

Omnem ætatem, felicitatis honore, impleverunt,  
qui semper diem Martis vixerunt.

Et nunc

cum nullum diem vivant,  
omni superstites ævo, ipsa vigent æternitate:

Bellis quæsitam gloriam  
in Pace adepti perpetua.

